

朝鮮史料汇编



中国文献珍本丛书

朝鲜史料汇编 (十五)

全国图书馆文献缩微复制中心

高麗史（卷一二八—卷一三七）

列傳卷第四十一

高麗史一百二十八

正憲大夫雷判書集賢殿大提學知經筵春秋館兼成均大司成臣鄭麟趾奉教修

叛逆二

鄭仲夫 宋有仁 李光挺

鄭仲夫海州人容貌雄偉方曠廣額白皙美髯鬚身
長七尺餘望之可畏初州上軍籍封其臂送京宰相
崔弘宰選軍見而異之解其封慰勉充控鶴禁軍仁
宗朝始補牽尨隊正除夕設儺礼呈雜技王臨視內
侍茶房牽尨等交相勝躍為樂內侍金敦中年少氣
銳以烛灯仲夫鬚仲夫搏辱之敦中父富軾怒白王

欲拷仲夫王允之然異仲夫為人密令逃免仲夫由
是慙敦中後仲夫復進眠侍左右毅宗初為校尉御
史臺奉詔鎖壽昌宮北門禁群少出入仲夫與散員
史直弋松開出入自恣御史臺請下吏王不聽累轉
上將軍時王荒淫不恤政事遊幸無度每至佳境輒
駐輦吟風賞月十八年王移御仁智齋法泉寺僧覺
倪迎駕于獮嶺院王與諸學士唱和良久仲夫以下
諸將瘦困憤恨始有不軌之心左副承宣林宗植起
居注韓賴無遠度怙寵傲物視武弁蔑如衆怒益甚
二十四年王幸和平齋又與近幸武臣觴詠忘返扈
從將士飢甚仲夫出旋牽允行首散員李篆方李高

從之密語曰文臣得意醉飽武臣皆飢困吾等是可
忍乎仲夫曾有燃鬚之恨乃曰然遂摘亮謀後王是
延福寺如興王寺仲夫謂義才高曰今可舉事然王
若便還宮且可隱忍如又移幸普賢院無失此机翌
日王將幸普賢院至五門前召侍臣行酒、酣頷左
右曰壯哉此地可以肄兵命武臣為五兵手搏戲蓋
知武臣觖望設目以厚賜慰之也賴恐武臣見寇遂
懷猜忌大將軍李紹膺雖武人貌瘦力羸與一人搏
不勝而走賴遽前批紹膺頰即墜階下王與群臣撫
掌大咲林宗植李俊基亦罵紹膺于是仲夫金光美
梁肅陳俊等失色相目仲夫厲聲謂賴曰紹膺雖武

夫官為三品何辱之甚王執仲夫手慰解之高拔又
曰仲夫止之至昏駕近普賢院高彖方先行矯
旨集巡檢軍士絕入門群臣將退高等手殺宗植復
基于門賴依所親宦官潛匿御床下王大驚使宦者
王光就禁之仲夫曰禍根韓賴尚在王側請出誅之
內侍裴允才亦入奏賴挽王衣不出高拔刃脅之乃
出即殺指諭金錫才謂彖方曰高敢于御前拔刃而
耶彖方嗔目叱之錫才不復言于是承宣李世通內
侍李唐柱御史雜端金起等祇候柳益謙司天監金
子期太史令許于端等凡扈從文官及大小臣僚官
寺皆遇害積尸如山初仲夫彖方等約曰吾曹左右

去僕頭否者皆殺之故武臣不去僕頭者亦多被殺
王大懼欲慰安其意賜諸將劍武臣益驕橫先是童
謠云何處是普賢剎隨此畫同刀殺或告仲夫彖方
曰金敦中先知而逃仲夫等驚曰若敦中入城奉太
子閉城固拒奏捕亂首則事甚危急如之何彖方曰
若尔我不投江海則北投丹狄以避之遂遺疾足者
抵京刺探疾足者夜至敦中家候之寂無人声閤承
宣安在荅以扈駕未还即回報仲夫彖方等喜曰事
可濟矣乃畀其党守行宮高彖方紹膺等選驍勇直
走京城至街衢所殺別監金守藏等入闕執樞密院
副使梁純精司天監陰仲演大府少卿朴甫均監察

御史崔東軾內侍祇候金光等內直官僚皆殺之又
率巡檢軍夜抵太子宫殺行宮別監金居寔外郎
李仁甫等又入泉洞宅殺無遺種卒伍蜂使人呼于
道曰凡戴文冠者雖胥吏殺無遺種卒伍蜂起搜殺
判吏部事致仕崔褒偁判吏部事許洪才同知樞密
院事徐醇如知樞密院事崔溫尚書右丞金敦時國
子監大司成李知深秘書院金光中吏部侍郎尹敦
信尉衛少卿趙文貴大府少卿崔允胥侍郎趙文振
內侍少卿趙文貴御史朴允恭兵部郎中康處約監
都省郎中康處均奉御田致儒祇候裴縉裴衍等五
十餘人王益俱名仲夫唯、不對王即拜高象方鷹

揚龍虎軍中郎將其餘武人上將軍加守司空僕射
大將軍加上將軍仲夫等以王還宮宦者王光就謀
聚儕輩討仲夫等韓泚泄其謀仲夫等又索隨駕內
侍十餘宦者十人殺之仲夫逼迂王于軍器監太子
于迎恩館遂放王于巨濟縣太子于珍島縣殺幼少
太孫王之愛姬無比逃匿青郊駟仲夫欲殺之太后
固請乃免從王而行兵部侍郎趙冬曦以相延基地
往西海道聞變將往東界舉兵討賊至鉄嶺猛虎當
道不得遇追騎而捕之仲夫以冬曦嘗有平耽羅之
功議流遠地守者遽殺之投尸于水仲夫等又殺內
侍少卿崔儼少卿崔儋外郎崔值又欲搜所殺文

臣家陳俊止之曰吾輩所嫉者李復基韓賴等四五人今殺無辜亦已甚矣若盡殺其家其妻子將何寄生義方等終不聽遂縱兵毀之是後武人習以為常若有仇怨者輒毀其家仲夫素方高等領兵迎王弟翼陽公皓即王位仲夫等又殺驥宦光就白子端倖臣榮儀劉方義等梟首于市其他宦寺及怙恃驕恣者戮之幾盡初毅宗稱三私第曰館北宅曰泉洞宅曰藿井洞宅聚斂財貨以巨萬計至是仲夫義方高皆分占焉仲夫以西海道郡縣屬鄉貫州義方陞外鄉金海為縣令明宗既立仲夫叅知政事尋進中書侍郎平章事又加門下平章事功為第一圖形閣上

時諸武臣會于重房悉召文武之遺者高歡尋殺之
仲夫止之先是弼壽星祠兵部郎中陳允升替役凡
軍卒輸石必秤而納之軍卒怨之是自軍士至允升
家紹曰有旨先詣闕者拜承宣允升出軍士殺之化
以大石二年仲夫為西北面兵馬使判行營兵馬兼
中軍兵馬判事初東北面兵馬使諫議大夫金甫營
有胆氣仲夫羨方等忌之明年甫營欲討仲夫羨方
復立毅宗與錄事李敬直及張純錫謀以純錫及柳
寅俊為南路兵馬使裴允材為西海道兵馬使發
兵乃與東北面知兵馬事韓彥國舉兵應之純錫寅
俊等至巨濟奉毅宗出居鷄林仲夫羨方聞之使將

李義收散軍朴存歲領兵取南路又遣兵西海道以
 圖之安北都護府抵金南營敬直等送于京義方鞠
 殺之于市初南^帝常主謀起兵也內侍陳義光裴允知
 之甫營臨死誣曰凡為文臣孰不與謀于是^帝一切誅
 戮或投江水旬日間文臣戮且盡中外洶々莫保朝
 夕承宣李俊義及陳俊自知無道乃請義方正殺戮
 即將金富亦謂仲夫義方曰天意未可知人心不可
 測恃力不揆義彌難衣冠世寧少金甫營乎^當吾輩有
 子女者通婚文吏以安其心可久之道也衆從之自
 是稍止禍義收等至鶴林弒毅宗又明年仲夫門下^拜
 侍中先是義方惡李高蔡元逼已殺之仲夫慮禍及

已欲辭位杜門不出。彖方兄弟携酒詣其家致款曲。仲夫迎入以宴。告之彖方等相與約誓結為父子言甚切至。仲夫乃安。仲夫子知兵馬事。上將軍筠密誘僧宗昱。欲殺彖方兄弟。宗昱推筠為謀主。使親近于王。出入後庭無忌。遂拜承宣。仲夫惟性本貪鄙。殖貨無厭。及為侍中。廣殖田園家僮。門客依勢橫恣。中外苦之。五中^年仲夫重脩普濟寺。設落城會。請王臨幸。有司諫止之。仲夫陰令僧錄司奏請幸。仲夫具盛饌以進。王不欲從。容留飲乃命兩府宰相承宣諸司侍臣同時赴宴。時仲夫年已七十不欲去。权位即中張忠彖^{阿彖}何彖說之曰。宰相賜几杖則雖七十不致仕。仲夫

悅諷礼官依漢孔光故事賜几杖國事皆問決時坐
重房議人罪百僚詣門賀六年仲夫以病請免諸領
軍士揭匿名榜云侍中鄭仲夫及子承宣筠女壻僕
射宋有仁枉權橫恣南賊之起其源由此若發兵討
之先去此輩必然後筠聞之可惧乞解職累日不出
八年仲夫致仕家奴雲犯禁服紫羅衫臺吏令所由
脫之奴毆所由而走吏憤甚囑路人捕之翌日中丞
宋諤御史晋光仁縛問之仲夫怒欲率兵士至臺殺
之子筠止之仲夫遂白王欲罪諤等会旗頭綠尚告
仲夫曰大將軍張博仁前將軍趙存夫等潜結失敗
輩期以暮夜入公家仲夫信之請繫詔獄王命、、

內侍將軍吳光陟等按問無狀又旗頭告同領旗頭
八十人會酒家飲謀出博仁于獄仲夫潛遣家僮捕
繫鞠問亦無驗竟竄博仁于海島餘悉流南裔又旂
頭康寔無告樞密崔忠烈謀害仲夫、請按鞠由
是獄事連起不服治訢等王慮仲夫憤未決罷訢賤
左迁光仁工部員外郎廣德里田有太后別宮因火
灾不御箚請買為私第太后命却其直與之箚大興
工役營葺時王在壽昌宮侍太后疾其地距宮不百
步又于歲行為太后忌方王深惡之屢欲詔止其役
憚箚不果箚久知兵部掌註西班請謁輻湊頗厭之
屢求免不久九年箚單騎往天祚寺以避之王命內

侍郎將柳得義論還使者絡繹筠乃還改都省之事
筠^字尚書金貽永之女為妻疏棄旧妻誘縱歆無節
將軍慶大升素憤仲夫所為且筠潛圖尚公主王亦
患之大升銳意討之既殺筠目發禁軍分捕仲夫及
有仁、子將軍群秀仲夫等聞變逃匿民舍悉捕
斬之梟首于市中外大悅紹膺官至叅知政事貪虐
祿位年過七十尚未致仕李光挺出自行伍仲夫之
廢穀宗光挺與其謀由是拜大將軍明宗初授樞密
院知奏事累陞院使時內侍郎將兼兵部員外郎莊
甫性剛正不阿权貴常面責內侍將軍鄭存寧驕傲
重房聞之劾甫凌辱長官歆貶巨濟縣令甫忿怒指